



1. Ո՛վ եմ ես, որ երգեմ
Այդքան մեծ սերդ անհուն.
Ո՛չ մտքով, ո՛չ լեզվով
Չեմ կարող այն պատմել:
Ընդունիր իմ հոգու
Կարոտած սիրո երգը,
Որ բխում է իմ մեջ
Սուրբ Հոգուդ հպումով:
Թող Հոգիդ իմ սրտում
Երգի այս սիրո երգը,
Ասի. «Քեզ սիրում եմ
Անսպառ կարոտով»:

2. Գիտեմ, որ չի պատմի
Երգս ողջ սերդ անմար,
Բայց լռել չեմ կարող,
Երբ հոգիս է երգում:

3. Չեմ կարող չերգել,
Այրվում է ներսս ամբողջ,
Ո՛նց լռեմ՝ չերգեմ,
Հոգիդ է բորբոքում: